

# लहना

व्यवसायिक पत्रकारिता, थौया आवश्यकता

LAHANA WEEKLY

वाःपौ

साःगु भिंगु मरिचरिया नितिं लुमंका दिसँ ।

लक्ष्मण गजाल 'चिलिंमि' प्रोप्राइटर  
लाखा छँ  
LAKHA CHHEN

सोह्रखुटे, वडा नं. १६, येँ, फोन नं.: ८३६०७५८

## थुकि दुने



नेवाः धइगु गर्व यायगु दिं कथं 'हलिं नेवाः दिं'यात कायमाः सुरेन्द्रभक्त श्रेष्ठ - २



अबिरया होली, तं चायाला ल्यासे कल्याण मित्र - ३



नेवाः संगीत व सँक्रियायु होलिं म्ये विजयरत्न असंबरे - ६



प्यक्वःगु हलिं नेवाः दिं ११४१ येँया बसन्तपुरय जूगु हना ज्याइवःया थी थी लू पेज ४-५

# प्यक्वःगु हलिं नेवाः दिंया इवल्यु थीथी व्यक्तित्वपिं सम्मानित

कोरोना संक्रमणया जोखिमया अवस्थायु छुं छुं ज्याभवः धाःसा स्थगित

लहना संवाददाता

मार्च महिनाया लिपांगु शनिबाः, वंगु मार्च २७ तारीखयु प्यक्वःगु हलिं नेवाः दिं हलिंन्यक थीथी ज्याइवः यानाः हन । पिने पिने ला गुलिखे ज्याइवः कोरोना संक्रमणया जोखिमया अवस्थायु भर्च्युअल रुपं हे हनेमाल सा नेपालयु धाःसा छुं छुं ज्याइवः यायुफत । नेपालयु नं कोरोना संक्रमणया जोखिम मदुगु ला मखु । तर घोषणा जूगु गुलिखे ज्याइवः रद्द यानाः मू ज्याइवः सम्मानया ज्याइवः जक यानाः दिवस हनेगु ज्या जुल ।

बसन्तपुरलइ जूगु प्यक्वःगु हलिं नेवाः दिंया समारोहस नवासे येँ महानगरपालिकाया मेयर विद्यासुन्दर शाक्यं समुदाययात संगठित व छधी छर्पे दयुकेत संस्था व दिवस न्ह्याःवनेमाःगु खँयु बः बियादिल । नेवाःतयु राष्ट्रियनिसे क्षेत्रीय स्तरया तःगु हे संघसंस्था दयुधुकूगु धासे मेयर शाक्यं समुदाययाय हित, उत्थान व विकासया नितिं न्ह्याःमवनेगु खःसा संघसंस्था जक चायुकेगुया छुं हे अर्थ मदइगु बिचाः तयादिल । 'ज्याइवः क्यनेत जक संस्था न्ह्याकेगु खःसा उकिया छुं हे अर्थ दइमखु, समुदायया उत्थान जुइगु, नेवाःतयु संगठित याइगु ज्याइवःत यानादिसँ, येँ महानगरपालिकाया साथ छिकपिन्त न्ह्यावले



नेपाः देयु मू कवःया दांभरिं लिसे प्यक्वःगु हलिं नेवाः दिं समारोह समितिया कजि सुरेन्द्रभक्त श्रेष्ठ संक्रमणया जोखिमया अवस्थायु औपचारिकतायु लिकुनाः सम्मानया मू ज्याइवः जक यायुमाःगु जानकारी बियादिल ।

दयाच्चनी' शाक्यं धयादिल । हलिं नेवाः दबू नेपाः देयु मू कवःया नायः शाक्य सुरेनं राजनैतिक, आर्थिक लिसे थीथी कारणं पिने देशयु डायस्पोरा जीवन हनाच्चपिं नेवाःतयु थुगु दिवसं थःगु भूमिलिसे स्वानाच्चंगु बिचाः प्वकादिल । नेपाः देयु मू कवःया दांभरिं लिसे प्यक्वःगु हलिं नेवाः दिं समारोह समितिया कजि सुरेन्द्रभक्त श्रेष्ठ संक्रमणया जोखिमया अवस्थायु औपचारिकतायु लिकुनाः सम्मानया मू ज्याइवः जक यायु

माःगु जानकारी बियादिल । दिवसया इवल्यु यायुगु धयातःगु प्यानल डिस्कसन, साँस्कृतिक ज्याइवः, फुड स्टल लिसेया योजना संक्रमणया जोखिमया अवस्थायु रद्द यायुमाःगु खः । ज्याइवल्यु थःथःगु खयलयु सफलता चूलाकूपिं व थीथी कथं थःथःगु खयलं समुदायया उत्थान व विकासयु योगदान ब्यूपिं व्यक्तित्वपिन्त सम्मान याःगु खः । सम्मानित सर्किसित येँ महानगरपालिकाया

मेयर विद्यासुन्दर शाक्यं दोसल्ला न्ययुकाः हनापौ लःल्हानादिल । भाषा व सामाजिक खयलयु निरन्तर योगदान बियावःगु धासे लक्ष्मीदास मानन्धर व मोतिलाल शिल्पकारयात हंगु खःसा संगीत खयःपाखे भाषिक जागरण हयादीमह जनगायक भृगुराम श्रेष्ठ नं सम्मानित जुल । अथे हे, संस्कृति खयलं प्रा. प्रेमशान्ति तुलाधर, साहित्य क्षेत्रं कवि भूषणप्रसाद श्रेष्ठ, कला क्षेत्रयु राजकुमार शाक्य व खेलकुद क्षेत्रं सब्बारानी महर्जन सम्मानित जुल । पत्रकारिता क्षेत्रयु नेवाः पत्रकार राष्ट्रिय दबूयात संस्थागत सम्मान ब्यूगु खः । अथे हे, मदुमह गायक रमेश ताम्राकारया लुमन्तिइ नीस्वःगु सिरपाः गायक जुजुकाजी रंजितयात लःल्हाःगु दु । सगरमाथाया उत्तरी व दक्षिणी निगुलिं मोहडां सगरमाथा आरोहण यानाः वर्ल्ड बुक अफ रेकर्डयु नां च्वकेत ताःलाःमह मिसा पत्रकार कल्पना महर्जनयात नं उगु हे ज्याइवल्यु हनेज्या जुल । लिसे दबूया नेपाः देयु मू कवःया न्हापांमह नायः नरेन्द्रभक्त हाडा व पुर्व नायः लिसे स्वक्वःगु हलिं नेवाः कन्भेसनया कजि पुष्कर माथेमायात नं हंगु खः । उगु हे ज्याइवल्यु दबूपाखे येँ महानगरपालिकाया मेयर विद्यासुन्दर शाक्ययात नं सम्मान याःगु खः ।

त्यं ७ पेजयु

## प्यम्ह पत्रकारपिन्त 'सत्यमोहन जोशी शताब्दी पदक'पाखे सम्मानित जुइगु



थुगुसीया 'सत्यमोहन जोशी शताब्दी पदक' पाखे लहना वाःपौया प्रकाशकलिसे लहानान्यूज डट कमया प्रधान सम्पादक नृपेन्द्रलाल श्रेष्ठ सम्मानित जुइगु जूगु दु । त्रिमूर्ति निकेतनं जारी याःगु सुचं कथं सम्मानित जुइपिं थप १४ म्मध्ये लहना वाःपौ प्रकाशकलिसे लहानान्यूजया सम्पादकया नापं लहना मिडियाया नायः श्रेष्ठ नं सम्मानित जुइत्यंगु खः । उकिया नापं लहना वाःपौया कार्यकारी सम्पादकया लिसे लहानान्यूज व

लहना मिडियाया व्यवस्थापक सुरेन्द्र भक्त श्रेष्ठयात नं थुगुसी सत्यमोहन जोशी शताब्दी पदक लःल्हायत्यंगु दु । श्रेष्ठया अध्यक्षतायु आः स्वनिगः अनलाइन डट कम नं न्ह्यायानाच्चंगु दुसा वयुक्कल लहना मिडियापाखे नेवाः टिभिइ न्ह्यायानाच्चंगु लहना गतिविधि व लहना साहित्यया नं व्यवस्थापनया ज्या यानाच्चनादीगु दु ।

त्यं ७ पेजयु

तान्वःया पासा कुल्फी भापिया दिसँ । Himalayan Ice

धौ, दुरु, द्याः, बटर व क्रिम बजारयु उपलब्ध दु

सुर्यविनायक नगरपालिका, वडा नं. १, सिरुटार धन्सार, खुवप १८४१३५३७५१, १८१३३४९०१५, १८०८६०८७२५

भर्ना खुल्यो Child Care PlayGroup

New Zenith English Model School (नर्सरी देखि +२ सम्म पढाई हुने)

Bhurungkhal-18, Tamsipakha, Ph.: +977 1 4249164, 4215428, E-mail: NewZenithSchool@gmail.com, Web: newzenith.edu.np



## सम्पादकीय

सीमाय् कडाई याय्गु  
खःकि नेपालीतय्त हे  
कुनेगु हाकनं

छू धापू थौंनहय् नेपालय् अभ विशेष याना: नेवा: समाजय् खुब प्रचलित दु, 'इन्डियाय् वा वल धका: नेपालय् कुसां कुइमा:गु ला ?' खँ ला पक्कां खःगु हे खः, तर पूर्वक खःगु धा:सा धाय्मछि । इन्डियाय् वा वल धका: नेपालय् कुसां ला कुइमखु तर गुलि वा वःगु व उगु वां इन्डियाया गुगु थासय् अप्व: प्रभाव लाकल स्वया: थन नेपालय् सतर्क जुइमा:गु अवस्था दय्फु । वा वःगु इन्डियाय् ला खः नि धका: सुम्क च्वनेबलय् खुसिबालं नेपालय् लिच्व: लाकेफु । थ्व हे खँ भारतय् कोरोना संक्रमणया दर थहांवनाच्वंगु सम्बन्धय् नं लागू जुइ । संक्रमणया दर थहांवंगु भारतय् ला खः नि, भी छाय् ग्याय्मा:गु धाय्बलय् भी ओभर कन्फिडेन्ट जूगु जुयाबी । खुला सीमा नाका व भारतलिसे हे स्वानाच्वंगु देय् जूगु ल्याखं अनया संक्रमणं थन पक्कां लिच्व: लाकेफु । अय्जुया: सतर्क ला भी नं जुइ हे मा: ।

आ: मेगु धापू तय्, खय् भासं, 'टाउको दुखेको औषधी नाइटोमा लाइ ।' आ:या अवस्थाय् न भी ज्या दक्वं दिका: छँय् छँय् च्वनाच्वनेगु अवस्था दु न लकडाउन हे याय्गु अवस्था दु । न्हापाया लकडाउनं दुगःक्वँय् त्वधुलेधुंका: हाकनं लकडाउन वा ज्या दिकेगु धयागु सम्भव हे दुगु खँ मखय्धुंकल । अय्जुगुलिं सरकारं नेपालीतय्त व याय्मेत थ्व याय्मते धका: पनेगु सान्दर्भिक खँ मखु । थय्कक्क स्वयंबलय् रेस्टुरेन्ट धइगु नय्त जक वनेगु थाय् ला खः नि, बन्द जुयां छु पाइ थें च्वनेफु । तर छन्दु रेस्टुरेन्ट बन्द जुलाक ग्वःमहेसिन उकिया द्यापं फय्माली छकः बिचा: याय् । रेस्टुरेन्ट बजारय् न्याइगु नसा ज्वलं पा: जुइगु जुल, अथे हे अन ज्या याइपनि उगु दिंया ज्याला द्याइगु जुल । अन मत, लः, चिकं लिसेंया दक्वं खँ पा: जुइगु जुल । धाय्बलय् छू रेस्टुरेन्टया छन्दुया द्यापं दलदलः थ्यनी । छू थाय् वा पस: बन्द जुइगुलिइ दलदलःया द्यापंया खँ जुइसा छू ख्य: हे बन्द जुइगु धइगु लखौया द्यापं खः ।

सरकारं ततःधंगु खँ लहाना: मा:गु ज्या मयासें हाकनं लकडाउनया स्थिती वल धा:सा नेपालं व फय्फइगु खनेमदु । अथेजुया: नेपाल सरकारं आ: स्वास्थ्य मापदण्डया पालना कडाइलिसें याका: आर्थिक गतिविधि दक्वं न्ह्याके बियातय् मा:सा भारतलिसेया सीमाय् नं कडाइ याय्मा:गु आवश्यकता दु । खुला रूपं अ:पुक भारतं वयवने यानाच्वने दत धा:सा, पिनं वःपिं क्वारेन्टाइन च्वनेमा:गु नियम आदिइ ध्यान मबीगु खःसा न्ह्याथे या:सां संक्रमण पने मफइगु अवस्था जुइफु ।

## त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वा:पतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वा:पौ

भोछें, यें

lahana.news@gmail.com

नेवा: धइगु गर्व याय्गु दिं कथं  
'हलिं नेवा: दिं'यात काय्मा:

भी न्ह्याथाय् वंसां, न्ह्याथाय् च्वंसां भीगु दथुइ स्वापू दयाच्वन धा:सा नेवा:तय्गु भाय्, संस्कृतिया लागिं, नेवा:या भाषिक, सांस्कृतिकया नापं आर्थिक विकासय् नं ज्या याय्फइ ।



सुरेन्द्रभक्त श्रेष्ठ

'हलिन्यंकया नेवा:त छपँ छधी जुइनु, भीगु भाय्, तजिलजि व म्हसीका ल्यंका तय्नु' धइगु मू नारा ज्वना: वर्ल्ड नेवा: अर्गनाइजेशन न्हयज्यानाच्वंगु दु । शंका उपशंकाया दथुइ थुगुसीया प्यक्वःगु हलिं नेवा: दिं नं क्वचाल । शंका धका: व्यवस्थापन पक्षय् ला जिमिसं फक्क बांलाक हे ज्या यानागु खः । व्यवस्थापनय् छुं हे कथं ग्याय् मा:गु मदु । तर ज्याइवः जुइगु खँय् धा:सा कोरोना संक्रमणया जोखिमया अवस्थां छु याय्गु ग्याय् जुइधुंक्कूगु खः । ज्याइवःया कजि जुयाच्वनागु ल्याखं ज्याइवः छु याय्गु गुकथं याय्गु धइगु खँय् अतिकं च्यूता: जुइधुंक्कूगु दु । उकिया दथुइ मू हना ज्याइवः जक याना: प्यानल डिस्कसन, सांस्कृतिक ज्याइवः जक क्वपाला: प्यक्वःगु हलिं नेवा: दिं हना । थगुने जूमफार्ट भर्चुअल रूपं जक हना: क्वचाय्केमा:गु हलिं नेवा: दिं थुगुसी थुलि सां याय्खन धइगु मती तया: लुधनेमा:गु जुल ।

थनथाय् लाक न्हापांगु हलिं नेवा: दिं हनागु नं लुमनाच्वंगु दु । न्हापांगु हलिं नेवा: दिंलिसे थुकिया ईतिहास हे स्वानाच्वंगु दु । डा. बालगोपाल श्रेष्ठया अध्यक्षताय् लन्डनय् हलिं नेवा: दबूया स्थापना जुल । उबलेतकक हलिं नेवा: दिं हनेगु खँ मर्दिनिगु खः । दबूया निक्वःगु कन्भेन्सन नेपालय् हे वया: याय्गु खँ दुगु खः । तर ७२ सालया भुखाचं व जुइमफुत । अले बाल्टिमोरय् निक्वःगु हलिं नेवा: कन्भेन्सन जुल । उगु हे कन्भेन्सनं सिजन श्रेष्ठया अध्यक्षताय् न्हूगु कार्य समिति ल्यल । उगु इलय् नेपाल लगायत थीथी देशं न्यासलं मयाक्क नेवा:त कन्भेन्सनया नितीं बाल्टिमोरय् मुन । व कथंया मुना व सहभागीतां सकलासिया दथुइ गुगु उत्साह थनाबिल, उकिया हे लिच्वः कथं हलिं नेवा: दिंया परिकल्पना तयार जुल ।

सन् २०१६ य् क्वचा:गु निक्वःगु हलिं नेवा: कन्भेन्सनय् आकिवं अथे धाय्बलय् २०१७ निसें हलिं नेवा: दिं हनेगु क्वःज्युसां उबले धा:सा थीथी कारणं हनेमफुत । २०१८ य् दक्कले न्हापांगु हलिं नेवा: दिं हंगु खः । न्हापांगु हलिं नेवा: दिंया मू ज्याइवः हे नेपालय् जूगु खः । केन्द्रया प्रतिनिधिपिं हे नेपालय् वया: नेवा: लिसें सम्बन्धित थीथी कार्यपत्र प्रस्तुत यासें निहुतकक वर्ल्ड नेवा: कन्फेन्स याना: न्हापांगु हलिं नेवा: दिं सम्पन्न जूगु खः ।

न्हापांगु हलिं नेवा: दिंया खँ ल्हाल्हां नेपा: व हलिं नेवा: दबूया दुयंगु स्वापूया विविध पक्षत थनथाय् लुमनावः । न्हापांगु हलिं नेवा: दिंया लसताय् नेपालय् जूगु उगु कन्फेन्सं स्वक्वःगु हलिं नेवा: कन्भेन्सन नेपालय् याय्गु घोषणा जुल । जि हलिं नेवा: दबू नेपा: देय् मू क्वःया कोषाध्यक्ष जुयाच्वनागु दु । नेपालय् अपाय्मछिधंगु ज्याइवः याय्गु खँ दु अले नेपाल च्याप्टरयाके धेवा नं दुगु मखु । गथे याना: याय्गु छू

चिन्ताया विषय नं खःसा छू न्हयइपूगु हाथ्या नं खः । कोषय् खास हे धेवा मदुगु नेपाल च्याप्टरं स्वक्वःगु हलिं नेवा: कन्भेन्सन तःजिक हे क्वचाय्क्कूगु खः । स्वक्वःगु हलिं नेवा: कन्भेन्स थुकथं तःजिक क्वचाय्केगु नितीं आपा:सिगु ग्वाहालि दुगु खः । उकीसनं प्यमहेसिया नां लुमके हे मा: ।

छू च्यारिटी बेलि ज्याइवः याय्मा:गु । व याय्गु नितीं गन याय्गु, गुकथं याय्गु धइगु खँय् जुयाच्वनागु । मय्जु अन्जना ताम्राकारजुं द्वारिका होटलया अम्बिका श्रेष्ठलिसे खँ लहाना: च्यारिटी डिनरया माहौल दय्कादिल । अथे हे, च्यारिटी बेलिइ उद्योगी, व्यापारीलिसें समाजसेवीपिं मुंका: कोष दय्केगु नितीं माहौल दय्केत सुरबहादुर श्रेष्ठ सक्रिय जुयादिल । व हे कथं काठमाडौं महानगरपालिकाया मेयर विद्यासुन्दर शाक्यं १० लाख ४० हजार तकाया ग्वाहालि बियादिल । थ्व नापं मेगु दक्वं मा:गु व्यवस्थापन व संयोजनय् चान्हि मधा:से ज्या यानादीमह संयोजक पुष्कर माथेमाया परिकल्पना व योजनां स्वक्वःगु हलिं नेवा: दिं भव्य जुइफुगु खः ।

थुकथं हे न्ह्या:वंव प्यक्वःगु हलिं नेवा: दिं नं भीसं नेपा:या ज्याइवः धा:थे दक्वं ज्याइवः याय्मफुसां नेवा: ख्यलय् थीथी कथं योगदान बियाच्वनादीपिं व्यक्तित्वपिन्त सम्मान यासें बांलाक हे क्वचा:गु दु थें ता: । थुगुसीया दिवस क्वचाय्केत नं आपा:सिगु हे ग्वाहालि दुगु खः । जि संयोजक जूगु ल्याखं सुयागु नं ग्वाहालियात म्त्वः कथं कयागु मदु । समितिया पासापिन्सं थःथःगु भाला कथंया ज्यात बांलाक पूर्वकाब्यूगु नं लुमंका च्वनागु दुसा थुगुसीया ज्याइवलय् सम्मान मू खःसा उकिया नापं लुमन्ति पौया प्रकाशन नं

फुगु समस्याय् ग्वाहालि याय्गु व नेवा:तय् दथुइ नेटवर्क अप्वय्केगु हे हलिं नेवा: दबू नीस्वनेगुया मू आज्जु खः । भी न्ह्याथाय् वंसां, न्ह्याथाय् च्वंसां भीगु दथुइ स्वापू दयाच्वन धा:सा नेवा:तय्गु भाय्, संस्कृतिया लागिं, नेवा:या भाषिक, सांस्कृतिकया नापं आर्थिक विकासय् नं ज्या याय्फइ । देशय् रोजगारी मदया: न्हियानिहंथं सलंसः मनुत विदेश वनाच्वंगु दु । उर्पिमध्ये लखौं संख्याय् नेवा:त नं दु । थज्या:गु परिस्थितीइ विदेशय् वना: कसा नयाच्वीपं नेवा:त नं अल्याख दु । उकिं मुं नं नेवा:तय्त दु:ख जुल, नय् मखन वा छुं नं कथंया समस्या जुयाच्वंगु दुसा उमित हलिं नेवा: दबूपाखें ग्वाहालि याय्गु जुया वयाच्वंगु दु । रोजगारी, शिक्षा आदिदिसें थीथी कारणं नेवा:त विश्वया कुंकुलामय् थ्यनेधुंकल । नेवा:त मदुगु देश आ: सखे दइ जुइ । थज्या:गु अवस्थाय् हलिन्यंकया नेवा:तय्त छपा: कुसाया क्वय् हय्गु, थवंथवय् ज्ञान, अनुभवया कालाबिल याय्गु, अन्तरक्रिया याय्गु, थःथः दथुइ दुगु समस्याया समाधानया नितीं, ग्वाहालिया नितीं सहकार्य याय्गु नितीं मंका: दबूया आवश्यकता जुल । व हे आवश्यकता कथं हलिं नेवा: दबू नीस्वनेमा:गु खः ।

आ: वइ हलिं नेवा: दिंया खँ । हलिं नेवा: दबू नीस्वंगु दिं धइगु हलिंया सकले नेवा:त संगठित जुइत पला: न्ह्याक्कू दिं खः । अय्जुगुलिं थ्व दिं हलिं नेवा:तय्गु नितीं छू ऐतिहासिक खः । व ल्याखं हलिं नेवा: दबू नीस्वंगु दिंयात सन् २०१८ निसें हलिं नेवा: दिं कथं हनेगु या:गु खः । हलिं नेवा: दिं छाय् हनेमाल धइगु खँय् स्वय्गु खःसा थौंनहय् भी न्ह्याबले ज्वा यायां लिमला: । भीगु नखःचखः, भाय्, संस्कृतिया

भीगु नखःचखः, भाय्, संस्कृतिया संरक्षण, निरन्तरतालिसें व्यापकता अले भीगु हक अधिकार, भीत राज्यपाखें जुयाच्वंगु दमन आदिया नितीं खँ ल्हाय्त हे फुर्सद मदुगु खनेदत । उकिं दंय् छन्दु बिस्कं हे दिं माला: भाय्, संस्कृतिया खँ ल्हाय्गु, भीगु अधिकारया बारे सचेतना अप्वय्केगु ज्या याय्फइला धइगु आज्जु ज्वना: हलिं नेवा: दबू नीस्वंगु दिंयात लुमंका: सन् २०१८ निसें 'हलिं नेवा: दिं' हनेगु शुस्वात जूगु खः ।

विशेष ज्याइवः जुयाब्यूगु दु । उगु लुमन्ति पौ पिकाय्त नं प्यमहेसिगु ग्वाहालि विशेष कथं लुमंकाच्वना । चान्हि मधा:से च्वसु मुंकेगु व सम्पादनया ज्याय् खटे जुयादीमह कार्यकारी सम्पादक बिराजकाजी राजोपाध्याय, अथे हे न्हापाया फोटोत मालेत, मुंकेत ग्वाहालि यानादीपिं फोटोग्राफर पासापिं नृपेन्द्रलाल श्रेष्ठ व अनुप प्रधान अले डिजाइनय् थःगु कला न्हयब्वयादीमह डिजाइनर अर्विन्मान सिंहया ग्वाहालिं थुगुसी उगु लुमन्ति पौ पिकाय्त ता:लात ।

हलिं नेवा: दिं हनावःपिन्सं ला थुकिया सवा: का:गु हे जुल । अभ नं थुकी आपालं नेवा:त दुथ्याकेमा:गु आवश्यकता दिन । आम नेवा: दुने अज्या:पिं नेवा:त अभ नं दिन, सुनां हलिं नेवा: दिं छाय् हनेगु धका: न्हयसः न्यनाच्वनी । विशेष याना: विदेशय् छम्ह नेवालं मेम्ह नेवा:यात म्हसीकेगु दबूया विकास याय्गु हलिं नेवा: दबूया आज्जु खः । उकिया नापं, नेवा:तय्गु दथुइ रोजगारी, शिक्षा, बसोबासय् वय्

संरक्षण, निरन्तरतालिसें व्यापकता अले भीगु हक अधिकार, भीत राज्यपाखें जुयाच्वंगु दमन आदिया नितीं खँ ल्हाय्त हे फुर्सद मदुगु खनेदत । उकिं दंय् छन्दु बिस्कं हे दिं माला: भाय्, संस्कृतिया खँ ल्हाय्गु, भीगु अधिकारया बारे सचेतना अप्वय्केगु ज्या याय्फइला धइगु आज्जु ज्वना: हलिं नेवा: दबू नीस्वंगु दिंयात लुमंका: सन् २०१८ निसें 'हलिं नेवा: दिं' हनेगु शुस्वात जूगु खः । नेपा:या नितीं बांला:गु खँ धइगु थुकिया शुस्वात नेपालं हे जूगु खँ नं लुमंकाच्वना । 'प्यक्वःगु हलिं नेवा: दिं' थुकिया हे निरन्तरता खः । थुगु दिं हनेगुया मू तातुना धइगु हे हलिन्यंकया नेवा:त छथाय् मुना: नेवा: भाय्, संस्कृति व अधिकारया नितीं सः थ्वय्केगु माध्यम कथं विकास याय्गु खःसा हलिमय् न्ह्याथाय् च्वंसां नेवा: धइगु गर्व याय्गु दिं कथं थुकियात काय्मा: धर्थें जित: ता: ।

(च्यमि हलिं नेवा: दबू नेपा: देय् मू क्वःया दाभरिं लिसें प्यक्वःगु हलिं नेवा: दिं ११४१ समारोह समिति नेपा:या कजि जुयादी)

# अबिरया होली, तं चायाला ल्यासे

यँया मस्तयत गुरुमापा खुयायंका: नयाच्वंगुलिं मस्तय मां अबुपिं इतुम्बहालय् च्वंम्ह केशचन्द्रयाथाय् धा:वंबलय् केशचन्द्रया उजं कथं गुरुमापायात ज्वना हया: आर्वलि मस्तयत रक्षा यायमा:गु व तिंख्यलय् तुं च्वनेमा:गु वाचा ल्हाका: उकिया पलेसा गुरुमापायात दच्छिया छक्व: होलीपुन्हिकुन्हु छमुरि जाकिया जा व छम्ह म्येय्या लानापं थ्वं, अय्ला:नापं चौरासी व्यन्जन नकेयंकेगु चलन दय्कूगु ख: धाइ ।



कल्याण मित्र

दँयदसं फाल्गुन शुक्ल अष्टमीनिसें पुन्हितक्क होलि पर्व हनी । परापूर्वकालनिसें न्ह्याना वयाच्वंगु नेवा: पह:या होलीबलय् हालीगु लोक म्ये थथे दु, 'होलीया मेला, म्येजु मस्यूला, अबीर भचा सां छ्यनय् तथाहुं । अबीरया होली, तं चायाला ल्यासे, अबीर भचा तयकां बिस्सुं वनाला ।' थथे म्ये हाला: ल्याय्महतयसं ल्यासेतयत अबीर तयका: न्ह्यइपुसेच्वंक होलीया मेला हनीगु ख: । थथे म्ये हाला: होलीया मेला हनेगु इबलय् ल्यासेल्याय्महतय दथुइ य:त्य: जुया: मतिना नं याइगु भी नेवा:तय संस्कार दुगु ख: । न्हापा न्हापा होलीया मेलाय् ल्याय्महतयसं थ:थ:पिन्सं ययकात:पिं मिसातयत थ:गु मतिना ब्वयगु व प्रस्ताव तइगु ख: । थौकन्हय् ल्याय् म्हा ल्यासेतयसं भ्यालेन्टाइन डे धका: हना: मतिनया प्रस्ताव त:थें । न्हापा न्हापा स्वनिग:या नेवा:तयसं हनीगु थीथी नख: व जात्रापर्वय् ल्यासेल्याय्महत नापलाना: मतिना याइगु ख: । आ: थें य:थ:थाय् ल्यासे ल्याय्महत नापलाइगु ह्व:ता: चूमला: । अथेजुया: नख:चख:बलय् घ: पूजा या: वनीपिं ल्यासेत व घ: दर्शन या: वनीपिं ल्याय्महतयगु दथुइ मतिना जुइगु ख: । अथे तुं जात्रा स्व:वनीपिं ल्यासेल्याय्महतयगु दथुइ नं मतिना जू । होली पर्व हनेगु इबलय् ला अभ् विशेष कथं ल्यासेल्याय्महतयसं थ:महेसिनं ययकातयापिनाप अबीर तया: मतिना ब्वयगु याइ । तर आ: वया: होलीया नामय् खनेदुगु थीथी कथंया विकृती याना: होली थें जा:गु पवित्र पर्वया नां हे वदनाम जुयाच्वंगु खनेदु । वसन्त ऋतु व:गु ई लाका: आपसी मेलमिलाप व सद्भावना ज्वनावइगु होली पर्व हनेगु इबलय् गुगु नं कथंया विकृती वय्केमज्यु । थुकी सकासिनं च्युता: काय्मा: । होली पर्व हनेगु इबलय् दँयदसं फाल्गुन शुक्ल अष्टमीकुन्हु हनुमानधवाखा लाय्क्या गद्दी वैठक्या दक्षिणपाखे वसन्तपुलिइ सुथय् भिंगु साइत लाका: स्वतं जा:गु चीर धस्वाका: होली पर्व शुरु याइ । परम्पराकथं रंगीचंगी काप:या कुचात खाना: च्वकाय् मयल सिमाया कचा दुगु चीर धस्वाका: गुरुजुया पल्टनं तोप मुइका: हर्ष बढाई याना: अबीर



ह्वला: होली शुरु याइगु ख: । थ्व पछिमा बाजं थाना: महा:घ:या स्तुति नं याइ । यँया धालासिक्वया सायमितयसं चीर धस्वाकी । भिंगु साइतय हनुमानधवाखाया लाय्कू दुनेयागु मोहनकाली व दाख चुक्यु नं रंगीचंगी काप: कुचात खायात:गु मयल सिमाया कचा स्वाना: पूजा याइ । मोहनकाली चुक्यु सिं दयकात:गु ल्हातय् मुर्ली ज्वनाच्वंम्ह श्रीकृष्णया मूर्ति व गुगु थीथी मुद्राय् दुपिं अर्धनम गोपिनीतयगु मूर्तिंत अबीर छ्वाका: पूजा याइ । दँयदसं ऋतुराज वसन्तया आगमनयात नेपा:मितयसं फाल्गुन शुक्ल अष्टमीकुन्हुनिसें पुन्हितक्क मैत्री व सद्भाव कथं थवंथवय् रंग व अबीर छ्वाका: होली म्हिता: लसकुस याइगु ख: । पुन्हिकुन्हु बहनी चीर क्वथला: साला: तिंख्यलय् यंका: चीरदहन याइ । तराईपाखे धा:सा पुन्हिया कन्हय्कुन्हु जक होली म्हिनेगु परम्परा दु । संस्कृतिविदपिनिगु धापूकथं थ्व होली पर्व पूर्व मध्यकालनिसें हना वयाच्वंगु ख: । नेपा:मिपिनिगु मैत्रीपूर्ण व सद्भावकथं थवंथवय् रंग, अबीर तयका: होली म्हिनेगु इबलय् भाड त्वना: प्याखं हुला: वसन्तया म्ये हाला: न्ह्यइपुसेच्वंक मनोरन्जन याइ । नेपा: देय्च्यंक थीथी थासय् हिमाल, पहाड

**थँबहियाम्हा व्यापारी सिंहसार्थबाहु न्हयस:म्ह व्यापारी पासापिनाप ल्हासाय् व्यापार याना: लिहांव:बलय् ब्रम्हपुत्र खुसिइ मिसाया भेषय् राक्षसनीतयसं थ:गु जालय् लाका: सकसित थ:गु आहार दय्कूसां सिंहसार्थबाहु छम्ह जक म्वाना: बिस्सुं वय्फुगु लसताय् बसन्तपुलिइ चीर धस्वाका: च्यान्हुतक्क सिन्ह: जात्रा याना:, अबीर रंग ह्वला:, थवंथवय् रंग तयका: होली पर्व हंगु ख: धाइ ।**

व तराईलय् थ:थ:गु संस्कृति व पौराणिक मान्यताकथं होली हनी । नेपा:या स्वनिगलय् हना वयाच्वंगु होलीया बारे धार्मिक मान्यता व पौराणिक धापू कथं प्रसङ्गत न्येदु । थँबहियाम्हा व्यापारी सिंहसार्थबाहु न्हयस:म्ह व्यापारी पासापिनाप ल्हासाय् व्यापार याना: लिहांव:बलय् ब्रम्हपुत्र खुसिइ मिसाया भेषय् राक्षसनीतयसं थ:गु जालय् लाका: सकसित थ:गु आहार दय्कूसां सिंहसार्थबाहु छम्ह जक म्वाना: बिस्सुं वय् फुगु लसताय् बसन्तपुलिइ चीर धस्वाका: च्यान्हुतक्क सिन्ह: जात्रा याना:, अबीर रंग ह्वला:, थवंथवय् रंग तयका: होली पर्व हंगु ख: धाइ । व हे सिंहसार्थबाहुया प्रतिककथं चकंघ: दय्का: जात्रा याय्गु चलन आ:तकं

न्ह्यानाच्वंगु दनि । अथे हे, चीरदहन याय्धुंका: छमुरि जाकिया जा थुया: तिंख्यलय् गुरुमापा राक्षसयात नके यंकेगु प्रसङ्ग नं दु । यँया मस्तयत गुरुमापा खुयायंका: नयाच्वंगुलिं मस्तय मां अबुपिं इतुम्बहालय् च्वंम्ह केशचन्द्रयाथाय् धा:वंबलय् केशचन्द्रया उजं कथं गुरुमापायात ज्वना हया: आर्वलि मस्तयत रक्षा यायमा:गु व तिंख्यलय् तुं च्वनेमा:गु वाचा ल्हाका: उकिया पलेसा गुरुमापायात दच्छिया छक्व: होलीपुन्हिकुन्हु छमुरि जाकिया जा व छम्ह म्येय्या लानापं थ्वं, अय्ला:नापं चौरासी व्यन्जन नकेयंकेगु चलन दय्कूगु ख: धाइ । थ्व चलन आ:तकं ल्यं दनि । गुरुमापायात नकेत यंकेगु जा, थ्वं,

अय्ला: व चौरासी व्यन्जन व ला कुबिया: हे यंकेमा: । थथे यंकीबलय् झ्यासि नासि झ्यासि नासि बोल वय्क बाजं थाना: यंकेगु याइ । थुकिया छगू गुथि हे दु । गुथियारत सकलें तिंख्यलय् वना: गुरुमापायात जा छाय्धुंका: अन तुं भ्वय् नया: लिहांवइ । होलिपुन्हिकुन्हु हे ख्वपय् राधा व कृष्णया दथुइ रंग छ्वाका: होली म्हितूगु स्मरण याना: चाँगुनारायणय् वंशगोपालया ख: जात्रा तान्त्रिक विधिं पूजापाठ याना: राधाकृष्ण, रुक्मिणीया बाला:गु मूर्तिसहित नगर परिक्रम याना: हनी । नेपा:या तराई लागा व भारतया थीथी थासय् धा:सा सत्ययुगय् दैत्यराज हिरण्यकश्यपुं थ: काय् प्रल्हाद विष्णुभक्त जूगुलिं त:क्व:मछि स्यायत कुत: या:सां असफल जूगुलिं ब्रम्हापाखें मिं मथीगु वरदान कयात:म्ह थ: केहें होलिकाया मुलय् प्रल्हादयात तया: च्यानाच्वंगु मिइ फ्यतुका: च्याकेगु कुत: याइ । तर घ:या वरदानया दुरुपयोग या:गुलिं होलिका हे मिं पुना: सी तर भक्त प्रल्हादयात धा:सा छुं नं जुइमखु । थथे सत्यया न्ह्य:ने असत्य बूगु व सत्य त्या:गु लसताय् होली म्हिनेगु याइ ।

**श्रमिकहरूको मौलिक अधिकारको सम्मान गरौं ।  
सबै प्रतिष्ठानहरूले न्यूनतम पारिश्रमिक प्रदान गर्न  
आनाकानी नगरौं ।**



नेपाल सरकार  
सञ्चार तथा सूचना प्रविधि मन्त्रालय  
सूचना तथा प्रसारण विभाग













## अगिना व सुशील शाही तिपुया निपु न्हूगु म्ये पिदन

संगीत ख्यलय ता: ई न्ह्यःनिसें दिपा मदिक्क न्ह्यज्यानाच्चीपिं सुशील शाही व अगिना तण्डुकार शाही त्यपुया नेपालभाषा व नेपाली निपु म्ये छक्कलं सार्वजनिक जुगु दु। छगु ज्याइवल्य नेपालभाषाया म्ये 'माया रे रत्न' व नेपाली भाय्या 'आँखा लाग्यो निरमाया' म्येया म्युजिक भिडियो पितव्वज्या जुगु खः। ज्याइवल्य नांजाःम्ह संगीतकःमि लिसें म्येहालांमि जुजुकाजि रन्जित म्येया लोकार्पण यानादिल। पितव्वज्या जुगु निपु म्येयात कयाः पत्रकार विजयरत्न असंबरें समालोचनात्मक टिप्पणी यानादीगु खः।



नवानादिल। नेवाः म्येया रचनाकार लिसें संगीतकार नं रामकृष्ण खड्गी खःसा भिडियोया निर्देशन नं वयकलं यानादीगु खः। छायाङ्कन व दृश्य सम्पादनया ज्या बालकृष्ण बंशी यानादीगु दु। अथे हे नेपाली भाय्या म्येय अगिना तण्डुकार शाहि व सुशील शाहीयानाप तिर्थ अवाले, हसना महर्जनअभिनय यानादीगु दु। सुजन

बजाचार्य 'खवपय'या निर्देशनय तयार जुगु म्येय छायाङ्कन मोहनकुमार भिल्लुं यानादीगु दुसा दृश्य सम्पादन अनिलकुमार महर्जनं यानादीगु खः। म्येया संगीतकार अनिल तुलाधर खः।

ज्याइवल्य खड्गी समाज यलया अरोजकुमार खड्गीयालिसें नरेन शाक्य लगायत नुगःखँ तयादीगु खः।

### प्यक्वःगु...

स्थानीय विषय अन्तर्गत नेपालभाषा माध्यम 'यँ देयु म्हसीके' पाठ्यक्रम विकास यानाः लागू याःगु लिसें ब्वकेज्या नं न्ह्याकगु धासें दबूपाखें मेयर शाक्ययात हंगु खः।

ज्याइवल्य साहित्यकार भूषणप्रसाद श्रेष्ठ, गायक जुजुकाजी रंजित, हलिं नेवाः दबूया केन्द्रीय सचिव रश्मला प्रजापतिलिसें नं नवानादीगु खः। ज्याइवल्य जीवित इन्साइक्लोपेडियाया नाम म्हस्युम्ह नेवाः न्ह्यलुवा, साहित्यकार लिसें वाम चिन्तक व वौद्धिक व्यक्तित्व हलिं नेवाः दबूया केन्द्रीय संरक्षक मद्रुम्ह प्रा.माणिकलाल श्रेष्ठयात लुमकुसें एक मिनेट मौन धारण यानाः श्रद्धान्जली च्वकगु खः।

सन् २०१८ निन्दुतक्क थीथी विषयस कार्यपत्र प्रस्तुत यानाः सहलह यासें न्हापांगु हलिं नेवाः दिंया मू ज्याइवः हे नेपालय याःगु खः। निक्वःगु दिवसय नं नेपालय थीथी

ज्याइवः जुगु खः। स्वक्वःगु दिवस धाःसा कोरोना महामारी व लकडाउनया अवस्थाय जूममार्फत भर्च्युअल रुप हंगु खः। हलिं नेवाः दबू नीस्वंगु दिंयात लुमकाः सन् २०१८ निसें मार्च महिनाया लिपांगु शनिबाः हलिं नेवाः दिं हनावःगु खः।

### लहनाया...

वयकःपिं निम्ह लिसें नेवाः पत्रकारिता ख्यलय सक्रिय मेपिं निम्ह पत्रकार नं उगु पदकपाखें सम्मानित जुइत्यंगु दु। उगु पदकपाखें लहना वाःपौया ग्वाहालिम लिसें राष्ट्रिय प्रसारणय दक्कले न्हापांम्ह टेलिभिजन ज्याइवः न्ह्याकामि विराजकाजी राजोपाध्याययात नं पदक लःल्हाइगु जुगु दु। पत्रकार राजोपाध्याय ईमेज च्यानल टेलिभिजनय नेवाः समाचार ब्वनेगुया नापं भक्तपुर एफ. एम. यं नेवाः ज्याइवः न्ह्याका वयाच्वंगु दुसा समाचारडेस्क डट कमया

अध्यक्षलिसें सम्पादक नं खः।

व हे कथं, नेपाल समाचारपत्रय ज्या यानाच्चनादीम्ह सुनिल महर्जन नं थुगु पदकपाखें सम्मानित जुइगु जुगु दु। नेपाल समाचारपत्रकर्मी महर्जन लहना वाःपौया निर्मित च्वसा न्ह्याकेगु यानादू। वयकः थौंकन्हय नेवाः पत्रकार राष्ट्रिय दबूया मू छ यान्जे नं खः।

त्रिमूर्ति निकेतन वंगु चैत्र १२ बिहिबाः सार्वजनिक याःगु सुचं कथं थुगुसी पदकपाखें सम्मानित जुइपिलय शिक्षा तथा विज्ञान प्रविधिमन्त्री कृष्णगोपाल श्रेष्ठ व उद्योगपति वसन्त चौधरी दु। वंगु बिहिबाः त्रिमूर्ति निकेतन पदकपाखें सम्मानित जुइपिं थप भिन्प्यम्हेसिया नां सार्वजनिक याःगु खः। व स्वयां न्ह्यः नं पदकपाखें सम्मानित जुइपिं २९ म्हेसिया नां सार्वजनिक यायेधुंकुगु दु। थुगु पदकपाखें आःतक्क २५ राष्ट्रया २५५म्ह सम्मानित जुइधुंकुगु दु।

## नेपाली कांग्रेसया नेता लिसें पूर्व उद्योगमन्त्री नवीन्द्रराज जोशी मन्त

मष्तिष्कघात जुयाः यँया नर्भिक अस्पतालय वासः याकाच्चनादीम्ह नेपाली काँग्रेसया नेता लिसें पूर्व उद्योगमन्त्री नवीन्द्रराज जोशी मन्त। वासवः यायगु इवल्य हे वंगु शुक्रबाः बहनिंसिया ८:२४ ताः इलय वयकः मद्रुगु खः। वंगु फागुन १४ गते छँय हे स्वास्थय समस्या खनेदयवं जोशीयात वीर अस्पताल यंकूगु खः। वीर जोशीयात नर्भिकय रेफर याःगु खः।



नर्भिक अस्पतालय भेन्टिलेटरय तयाः वासः यानाच्वंगु खःसा अन वयकःया छ यंया सामान्य शल्यक्रिया नं याःगु खः। शल्यक्रिया धुंकाः स्वास्थय सुधार खनेदय धुंकाः वयकःयात भेन्टिलेटरं लिकाःगु नं खः। लिपा हाकनं स्वास्थय समस्या वयधुंकाः भेन्टिलेटरय हे तःगु खः। शुक्रबाः सुथनिसें वयकःया नुगलं नं ज्या यायगु त्वःतुगु खःसा बहनी वयकलं अन्तिम सास ल्हानादिल। वयकःया शनिबाः पशुपति आर्यघाटय अन्त्येष्टि याःगु दु। व स्वयां न्ह्यः श्रद्धान्जली देखायगु निर्मित वयकःया सीम्हयात वयकःया दोकाधःस्थित छँय व वयां लिपा पार्टी ज्याकू सानेपाय नं तःगु खः।

काँग्रेस केन्द्रीय दुजःतकं खःम्ह जोशी पुष्पकमल दाहाल नेतृत्वया सरकारय उद्योगमन्त्रीया जिम्मेवारीइ च्वनादीगु खः। थःगु कार्यकालय वयकलं नेपाल औषधी लिमिटेडलिसें नेपाःया वन्द उद्योगत चायकेत पहल यानादीगु खः। जोशी यँ महानगरपालिकाया पूर्व उपमेयर नं खः। ०३६ सालनिसें विद्यार्थी राजनीतिमार्फत राजनीतिइ न्ह्यज्याःम्ह जोशी नेपाल विद्यार्थी संघया यँ जिल्ला अध्यक्ष व केन्द्रीय महामन्त्रीया जिम्मेवारी तकं कःधानादीगु दु। संविधानसभा दुजःतकं खःम्ह वयकः गणेशमान सिंह अध्ययन प्रतिष्ठानया संस्थापक अले अध्यक्ष नं खः। जोशीया जहानलिसें छम्ह म्हाय्य दी।

### भाषा ख्यःया कार्यकर्ता अनिल स्थापितया पितृशोक

नेपाल लिपि गुथिया न्वकू नापं लिपि गुरु अनिल स्थापितया अबु सप्तरत्न स्थापित मन्त। ८० दँया स्थापित वंगु बिहिबाः बहनिइ ११:३० थःगु छँय हे मद्रुगु खः। वयकःया अन्त्येष्टि वंगु शुक्रबाः यँया शोभा भगवतीया कर्णीदपय जुगु दु। वयकःया जहानलिसें स्वम्ह काय व छम्ह म्हाय्य दी। अनिल स्थापित वयकःया माइलाम्ह काय खः।



## विचाः हायेका



बूगु दि  
ने.सं. १०५२  
कौलाथ्व ४



### मद्रुम्ह माणिकलाल श्रेष्ठ

वाम बुद्धिजीवि, नेवाः न्ह्यलुवाः, समालोचक, प्राध्यापक एवं हलिं नेवाः दबू केन्द्रया संस्थापक संरक्षक

### माणिकलाल श्रेष्ठ

८९ दँया बैशय थुगु संसार त्वताः वंगुलिं नेपालभाषा ख्यलय अपूरणीय क्षती जुगु दु, थुकिं जिपिं मर्माहत जुयागु दु। दिवंगत आत्माया चीर शान्तिया कामना यासें वयकःया छँजःपिन्स धैर्यधारण याये फयेमा धकाः विचाः हायेकाच्वना।



### हलिं नेवाः दबू (WNO)

नेपाः देयु मूकवः, सकल जः



मद्रुगु दि  
ने.सं. ११४१  
चिल्लाथ्व ३

## विचाः हायेका



बूगु दि  
ने.सं. १०५२  
कौलाथ्व ४



### मद्रुम्ह माणिकलाल श्रेष्ठ

वाम बुद्धिजीवि, नेवाः न्ह्यलुवाः, समालोचक, प्राध्यापक

### माणिकलाल श्रेष्ठ

८९ दँया बैशय थुगु संसार त्वताः वंगुलिं नेपालभाषा ख्यलय अपूरणीय क्षती जुगु दु, थुकिं जिपिं मर्माहत जुयागु दु। दिवंगत आत्माया चीर शान्तिया कामना यासें वयकःया छँजःपिन्स धैर्यधारण याये फयेमा धकाः विचाः हायेकाच्वना।



### नेपालभाषा मंकाः खलः यल

सकल जः



## पत्रकार दबू चितवन कचाया प्यक्वःगु साधारण सभा क्वचाल



नेवा: पत्रकार राष्ट्रिय दबू चितवन कचाया प्यक्वःगु साधारणसभा क्वचाःगु दु। वंगु बुधबा: भरतपुरय् पत्रकार दबू चितवन कचाया प्यक्वःगु साधारणसभा याःगु खः। साधारणसभाया उद्घाटन शत्रय् नवासें पत्रकार दबूया केन्द्रिय वरिष्ठ उपाध्यक्ष नृपेन्द्र लाल श्रेष्ठ दबुलिं न्याबले पत्रकारिताया हितया लागिं ज्या यानावयागु लिसें यानाचवनेगु धयादिल। पत्रकारया सर्वाङ्गिका विकासलिसें हक अधिकार प्राप्तिया लागिं पत्रकार दबू न्याबले क्रियाशिल जुयाचवनेगु उपाध्यक्ष श्रेष्ठ प्रतिवद्धता प्वकादिल। दबूया केन्द्रीय महासचिव सुनिल महर्जनं राज्य भाषा संस्कृतिइ प्रहार याःगु धासें पत्रकारितामार्फत निरन्तर सः

तयाचवनेमाःगु खँय् बः बियादिल। ज्याइवलय् नेपाल पत्रकार महासंघ चितवनया नायः राधेश्याम खतिवडां नेवाःतय् भाषा संस्कृति व रहनसहनबारे सर्कसित जानकारी बीत पत्रकारितामार्फत उजागर याय्माःगु धयादिल। क्रियाशील महिला पत्रकार मन्च चितवनया नायः प्रमिता ढकालं मिसा नेतृत्वयात कोटाया रुपं जक मखसें क्षमता व दक्षताया आधारय् मूल्याङ्कन याय्माःगु धयादिल। पत्रकार दबू चितवनया नायः कमलमान श्रेष्ठ चितवनया नेवाः पत्रकारत संगठित जुयाः अन्तरक्रियात्मक सम्बन्ध कायम यासें पत्रकारिता क्षेत्रया वृहत्तर हितय् जाय्माःगु धयादिल। पत्रकार दबूया केन्द्रिय उपाध्यक्ष सन्दीपकुमार श्रेष्ठ,

नेपाल आदिवासी जनजाति पत्रकार महासंघका केन्द्रिय सदस्य राजु चौधरी, थारु पत्रकार महासंघका महासचिव सन्त कुमार चौधरीलिसें न पत्रकारतय् हकहित प्राप्तिया लागिं देय्नुयंकया पत्रकारत संगठित जुइमाःगुलिइ बः बियादिल। अथे हे, नेपाल प्रेस युनियन चितवनया न्वकू सूर्य प्रसाद अधिकारी, तामाङ पत्रकार संघ चितवनया नायः ज्ञानेन्द्र तामाङ, थारु पत्रकार संघ चितवनया नायः सुमित्रा महतो, प्रेस सेन्टर चितवनया नायः प्रकाश ज्ञवाली, नेपाल आदिवासी महासंघ चितवनया छु यान्जे महेन्द्र दुरा, नेवा पुचः नारायणगढया नायः ज्ञानेन्द्रमान शाक्य लिसें न थःथःगु नुगःखँ तयादीगु खः।

## न्हापा स्वयां बांलाःगु कमलपुखू दय्केगु मेयर शाक्यया धापू

यें महानगरपालिकाया मेयर विद्या सुन्दर शाक्यं सम्पदाया नामय् राजनीति मयायूत सुभाब बियादीगु दु। येँ महानगरपालिका क्षेत्र दुने जूगु विकास निर्माणया ज्याया अनुगमनलिसें मतदाताया खँ न्यनेगु इवलय् वंगु शनिबा: वडा-१५ य् थ्यंकादीमह शाक्यं थथे धयादीगु खः। कमलपोखरी लिसें छुं थासय् म्वाःमदुगु विरोधं याना: पुननिर्माणया ज्या लिबाःगु लिसें करोडौंया लागत तर्क अप्वःगु धयादिल। उगु इलय् वयकलं कमलपोखरी पुननिर्माणय् स्थानीय सुयां न विरोध मदुगु तर पिनेया मनुतय् म्वाःमदुगु खँ पिकया: पंगः थनेगु कुतः यानाचवंगु धयादिल।



उगु इलय् शाक्यं छुं अभियन्तात कमलपुखूया चा ख्वालय् इला: प्रधानमन्त्रीया राजिनामा फवनेत बालुवाटर वंगु प्रसङ्ग न्ह्यथेंसे न्ह्यसः तयादिल 'कमलपुखूया चा व प्रधानमन्त्रीया राजिनामा दथुइ छु स्वापू दु?' कमलपुखू पुननिर्माणया इवलय् म्वाःमदुगु भ्रम न्यंका: पंगः थनेगु कुतः कुतः जुयाचवंगु दावी यासें मेयर शाक्यं इलय् हे ज्या क्वचाय्केगु उद्घोष नं यानादिल।

यें महानगरपालिकां कांक्रिटया कमलपुखू दय्कीन धका: भ्रामक प्रचार याःगु धासें अन उकथंया छुं न कथंया कांक्रिटया संरचना दय्केत्यनागु मदुगु धयादिल। 'जिमिसं डिजाइन अन हे तयातइगु दु, डिजाइनय् गन कांक्रिटया पुखू दु, क्यनादिसें' वयकलं प्रष्ट यानादिल। शाक्यं भिहगः स्वयां बांलाःगु आन्तरिक व बाह्य पर्यटकयात न आकर्षित याइगु न्हापा स्वयां बांलाःगु कमलपुखू दय्केत्यनागु धयादिल। गुलिखे अवस्थाय् पुरातत्व विभागपाखें तर्क भ्रम न्यंकेगु ज्या जुयाचवंगु शाक्यं धयादिल।



### नवाह दबुकार राष्ट्रिय दबू

नेवा: पत्रकार राष्ट्रिय दबू  
National Forum of Newar Journalists  
पलिरथा : ले.सं. ११३०

## ८ वःगु दमंज्याया सुचं

नेवा: पत्रकारतय् राष्ट्रिय संगठन नेवा: पत्रकार राष्ट्रिय दबूया ले.सं. ११३१ पोहेलाथव पुनरी (२०७७ लाय १५) गते चर्वागु केन्द्रीय समितिखा अर्चुल मुंज्याया वःकिनाकथं पत्रकार राष्ट्रिय दबूया ८ वःगु दमंज्या थवहे वइगु ले.सं. ११३१ विल्लागा: पञ्चमी (चैत्र २० गते) शुरुवा: स्वप जिल्लाख जुइगु जुया: प्रतिनिधि पार्षदपिन्त वैठकय् बवतिखा निितिं इनाप चासें थुगु सुचं पिथनागु जुल।

**नेवा: पत्रकार राष्ट्रिय दबू केन्द्रीय समिति**  
स्वापू उचाकुधि, लजानस्लेल, चल  
९८५११६५८८७, ९८८१५७८६०८, ९८५१०८६५६३, ९८५१०९९८७०  
इमेल - nfnj1132@gmail.com

नोट : थुकिचा विस्तृत विवरण दुथ्याःगु पौ शुकनीगु सुचं बिसें सदस्यता नविकरण (शुल्क ५०० तका) व नहु सदस्यता (शुल्क ७०० तका) चा निितिं न स्वापू तयादीत इनाप यानागु जुल।



Specialized in Innumerable Nepali and Tibetan Metal Crafts

T : 977-1-5531282 Res / 5251373 Workshop  
M : 9841209586 / 9843516111  
E : onmetal@live.com  
W : www.onmetalart.com  
www.facebook.com/onmetal  
Hattiban, Dhapakhei-1, Lalitpur, Nepal



**The Group of Traditional Repousse Art**




**IMAGE ATELIER**  
Traditional Metal Arts & Crafts

T : +977-1-5203858  
M : +977-9841261160  
E : rajendra@imageateliers.com  
imageateliers@gmail.com  
W : www.imageateliers.com  
Imadol-6, Lalitpur, Nepal

**Creative**  
Traditional Metal Arts & Crafts

T : +977-01-6922772  
M : +977-9841261161  
E : rajendra@creativenepalcraft.com  
creative@gmail.com  
W : www.creativenepalcraft.com  
Harisiddhi, Silauti, Lalitpur, Nepal

दीन, दुखी व असहायपिन्त निःशुल्क स्वास्थ्य सेवा प्रदान।  
दानी, सुखी व सम्पन्नयात सशुल्क स्वास्थ्य सेवा वरदान।।

## छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

### उपलब्ध सेवा

#### २४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

#### शल्यक्रिया

- मोतिबिन्दु
- जनरल सर्जरी
- नहायपं, नहाय, जापः
- हाड जोर्नी नशा
- पिसाव नलीया पत्थर बिना चिरफार

#### बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य
- जनरल मेडिसिन
- चर्म तथा यौन लव्य
- नहायपं, नहाय, जापःया लव्य
- जनरल हेल्थ चेकअप
- थाइराइड व मधुमेह लव्य
- चिकित्सा मनोरोगविद परामर्शदाता सेवा

#### अन्य सेवा

- ड्रेसिङ्ग
- ईण्डोस्कोपी
- कोलोलोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



**२४ घण्टा  
ईमरजेन्सी सेवा**

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९११, ४२६६२२९, E-mail: cfclinic@mail.com.np, www.free-clinic.org.np